



詩紀

卷二十一之二十三

晉一

詩紀目錄

晉一卷之二

司馬懿

燕飲歌

荀勗

從武帝華林園宴日外三月三日從華林園

張華

門有車馬客行

輕薄篇

遊俠篇

博陵王宮俠曲二首

遊獵篇

壯士篇

簫史曲

勵志詩

祖道征西應詔詩

祖道趙王應詔詩

太康六年三月三日後園會

上巳篇

荅何劭三首

情詩五首

感婚詩

雜詩三首

擬古

遊仙詩三首

贈摯仲治詩

招隱二首

成公綏

中宮詩二首

行詩

遊仙詩

晉二卷之二

傅玄

短歌行

秋胡行

惟漢行

豔歌行

長歌行

豫章行苦相篇

和秋胡行

飲馬長城窟行

放歌行

豔歌行有女篇

墻上難為趨

怨歌行朝時篇

秋蘭篇

明月篇

前有一罇酒行

何當行

却東西門行

美女篇

飛塵篇

董逃行歷九秋篇

十二首

吳楚歌

鴻鴈生塞北行

白楊行

秦女休行

雲中白子高行

西長安行

車遥遥篇

昔思君

答程曉詩

宴會詩

芙蓉

雜詩三首

又答程曉

宴詩

天行篇

日昇歌

三光篇

衆星詩

苦雨

苦熱

古詩

擬四愁詩四首

兩儀詩

天行歌

詩經目錄

驚雷歌

雜言

雲歌

蓮歌

啄木

雜歌

九曲歌

歌詞

失題五首

傅咸

孝經詩

論語詩

毛詩詩

周易詩

周官詩

左傳詩

與尚書同僚詩

贈褚武良詩

贈崔伏二郎詩

荅潘尼詩

荅樂弘詩

贈建平太守李叔龍

贈何劭王濟

贈太尉司馬虞顯機

失題

同前

晉三卷之二

裴秀

王大蜡詩

應貞

晉書

四

晉武帝華林園集詩

王瘡

裴祖道應令

賈充

與妻李夫人聯句

棗據

答阮得猷

遊覽

雜詩

失題

杜育

王贈摯仲治詩

摯虞

王答杜育詩

雍州詩

劉伶

北芒客舍詩

東哲

補亡詩六首

南陔

白華

華黍

由庚

崇丘

由儀

司馬彪

贈山濤

雜詩

何劭

洛水祖王公應詔

贈張華

遊仙詩

雜詩

王濟

平吳後三月三日華林園詩

王浚

從幸洛水餞王公歸國詩

李密

賜餞東堂詔令賦詩

皇甫謐

女怨詩

晉四

卷之二

陸機

短歌行

秋胡行

隴西行

日出東南隅行

挽歌三首

長歌行

君子行

從軍行

苦寒行

豫章行

長安有狹邪行

塘上行

折楊柳

飲馬長城窟行

門有車馬客行

擢歌行

太山吟

梁甫吟

東武吟行

班婕妤

駕言出北闕行

君子有所思行

悲哉行

齊謳行

吳趨行

前緩聲歌

吳趨行

飲酒樂

董桃行

上留田行

飲酒樂

燕歌行

猛虎行

鞠歌行

頌東西門行

日重光行

月重輪行

百年歌十首

晉五卷之二

晉詩目録

陸機二

皇太子宴玄圃宣猷堂有令賦詩

皇太子賜讌詩

贈馮文罴遷斥丘令

荅賈謐

贈弟士龍

贈潘尼

荅潘尼

贈馮文罴

於承明作與弟士龍

贈弟士龍

雲荅詩附

贈尚書郎顧彥先二首

贈顧交趾公貞

荅張士然

贈從兄車騎

為顧彥先贈婦二首

為陸思遠婦作

為周夫人贈車騎

祖道畢雍孫劉邊仲潘正叔

赴洛二首

赴洛道中作二首

吳王郎中時從梁

陳作

擬行行重行行

擬今日良宴會

擬迢迢牽牛星

擬涉江采芙蓉

擬青青河畔草

擬明月何皎皎

擬蘭若生朝陽

擬青青陵上栢

擬東城一何高

擬西北有高樓

擬庭中有奇樹

擬明月皎夜光

招隱詩

遠遊出西城

園葵詩二首

贈波丘令馮文羆

贈顧彥先

贈紀士

贈潘正叔

招隱二首

尸鄉亭

三月三日

春詠

詠老

晉六卷之二

陸雲

大將軍宴會被命作詩

征西大將軍京陵王公會射堂皇太子見命作

此詩

太尉王公以九錫命大將軍讓公將還京邑祖

琴餞贈此詩

大安二年夏四月大將軍出祖王羊二公於城

南堂皇被命作此詩

從事中郎張彥明為中護軍

贈汲郡太守

贈顧驃騎二首

有皇

思文

贈鄱陽府君張仲膺 贈顧彥先

答顧秀才 答大將軍祭酒顧令文

答吳王上將顧處微 贈顧尚書

答兄平原

晉七 卷之二

陸雲二

與鄭曼季贈答八首

谷風 陸贈

鴛鴦 鄭答

鳴鶴 陸贈

蘭林 鄭答

南衡 陸贈

南山 鄭答

高崗 陸贈

中陵 鄭答

答孫顯世 附贈詩

四言失題 前八章 後六章

失題

同前

答兄平原

答張士然

為顧彥先贈婦往返四首

失題

同前

潘岳

關中詩

為賈謐作贈陸機

北芒送別王世胄詩

家風詩

於賈謐坐講漢書

離合

金谷集作詩

河陽縣作二首

在懷縣作二首

內顧詩二首

悼亡詩三首

哀詩

思子詩

別詩

潘尼

七月七日侍皇太子宴玄圃

贈陸機出為吳王郎中令

答陸士衡

答傅咸詩

皇太子集應令

皇太子社

三月三日洛水作

贈河陽詩

贈侍御史王元貺

贈長安令劉正伯詩

贈隴西太守張正治詩

贈滎陽太守吳子仲詩

晉書卷之九
答楊士安詩
送盧景宣詩

迎大駕
逸民吟

釋奠詩
送大將軍掾盧晏

贈汲郡太守李茂彥
贈劉佐

晉九卷之二
十九

左思

贈妹九嬪悼離詩
左貴嬪感離詩附

詠史八首
招隱詩二首

雜詩
嬌女詩

張翰

周小史
雜詩二首

思吳江歌

張載

登成都白菟樓
贈虞顯度

招隱詩
七哀詩二首

霖雨
擬四愁詩四首

述懷詩
失題

同前二首

張協

詠史

雜詩十首

雜詩

遊仙

晉十卷之三十

夏侯湛

周詩

山路吟

江上泛歌

離親詠

長夜謠

寒苦謠

王讚

三月三日詩

侍皇太子宴始平王

侍皇太子祖道於淮南二王

雜詩

孫楚

答弘農故吏民

除婦服詩

征西官屬送於陝陽侯作詩

太僕座上詩

祖道詩

之馮翊祖道詩

董京

答孫楚

詩二首

荅孫楚詩

石崇

大雅吟

楚妃歎

王明君辭

思歸引

思歸歎

荅曹嘉詩

贈棗腆

曹嘉

贈石崇詩

曹攄

思友人詩

感舊詩

贈石崇

棗腆

荅石崇詩

贈石季倫

歐陽建

荅棗腆詩

臨終詩

嵇紹

贈石季倫

嵇含

悅晴

伉儷詩

阮脩

上巳會詩

閻丘冲

三月三日應詔詩

二首

招隱詩

周處

詩一首

郭泰機

答傅咸

辛曠

贈皇甫謐

左貴嬪

豕木詩

感離詩

綠珠

懊儂歌

翔風

怨詩

晉十一

卷之三十一

晉書詩集

十一

沈何

劉琨

答盧湛

重贈盧湛

扶風歌

胡姬年十五

盧湛

贈劉琨

贈崔溫

答魏子悌

覽古詩

時興詩

重贈劉琨

答劉琨

失題

郭璞

贈溫嶠

遊仙詩十四首

贈潘尼

失題三首

晉十二卷之三

楊方

合歡詩二首

雜詩三首

葛洪

洗藥池

王鑒

七夕觀織女

熊甫

別歌

梅陶

怨詩行

桓温

八陣圖

王處之

登會稽刻石山

與諸兄弟方山別詩

謝尚

大道曲

孫綽

表哀詩 并序

三月三日

秋日

情人碧玉歌二首

王獻之

桃葉歌二首

江道

詠秋

詠貧

庾闡

孫登隱居詩

三月三日臨曲水

三月三日

觀石鼓

登楚山

衡山

江都遇風

採藥詩

遊仙詩四首

同前六首

李充

嘲友人

七月七日

送許從詩

李顥

經澗路作

涉湖

夏日

感冬篇

袁宏

從征行方頭山

詠史二首

擬古

失題

曹毗

詠史

詠冬

夜聽擣衣

正朝

霖雨

許詢

竹扇

習鑿齒

燈

袁山松

菊

顧愷之

神情詩

劉恢

失題

晉十三

卷之三
十三

蘭亭集詩

辛序
二篇

右將軍王羲之二首

瑯琊王友謝安二首

司徒左西屬謝萬二首

前餘杭令孫統二首

左司馬孫綽二首

中軍參軍孫嗣

散騎常侍郗曇

穎川庾友

穎川庾蘊

行參軍曹茂之

上虞令華茂

滎陽桓偉

陳郡袁嶠之二首

王玄之

王凝之二首

王徽之二首

王渙之

王肅之二首

王彬之二首

王蘊之

行參軍王豐之

郡功曹魏滂

鎮軍司馬虞說

郡五官謝繹

行參軍徐豐之二首

徐州西平曹華

晉十四卷之三十四

陶淵明

停雲

時運

榮木

勸農

命子

贈長沙公族祖

酬丁柴桑

荅龐參軍

歸鳥

遊斜川

示周祖謝三郎

怨詩楚調示龐主簿鄧治中

荅龐參軍

五月旦作和戴主簿

和劉柴桑

酬劉柴桑

和郭主簿二首

贈羊長史

歲暮和張常侍

和胡西曹示顧賊曹

癸卯十二月中作與從弟敬遠

與殷晉安別

於王撫軍座送客

始作鎮軍參軍經曲阿作

庚子歲五月中從都還阻風於規林二首

辛丑歲七月赴假還江陵夜行塗口作

乙巳歲三月為建威參軍使都經錢溪

詠二疎

詠三良

詠荆軻

桃花源詩并記

晉十五

卷之三十五

陶淵明二

形影神

形贈影

影答形

神釋

九日閑居

歸田園居五首

乞食

諸人共游周家墓楸下

連雨獨飲

移居二首

癸卯歲始春懷古田舍二首

還舊居

戊申歲六月中遇火

巳酉歲九月九日

庚戌歲九月中於西田穫早稻

丙辰歲八月中於下潁田舍穫

飲酒二十首

止酒

述酒

責子

有會而作

蜡日

擬古九首

雜詩十一首

詠貧士七首

讀山海經十三首

悲從弟仲德

擬挽歌辭三首

聯句

淵明循之

惜之

晉十六

卷之三

桓玄

登荆山

南林彈

殷仲文

南州桓公九井作

送東陽太守

謝混

遊西池

送二王在領軍府集詩

誠族子

吳隱之

酌貪泉賦詩

景炳

登半石山

登白鳥山詩

王嘉

歌三首

王康璿

反招隱詩

招隱

湛方生

廬山神仙詩

後齋詩

帆入南湖

還都帆

天晴詩

諸人共講老子

懷歸謠

秋夜詩

遊園詠

蘇彥

七月七日詠織女

西陵觀濤

陸冲

雜詩二首

江偉

答賀蜡

范廣泉

征虜亭餞王少傅

王齊之

念佛三昧詩四首

卞裕

送桓竟陵

失題

孔法生

征虜亭祖王少傅

張駿

薤露行

東門行

晉馬岌

題宋織石壁詩

趙整

酒德歌

諷諫詩二首

諫歌

琴歌

符朗

失名

臨終詩

曲池歌

晉十七 卷之三

支遁

四月八日讚佛詩

詠八日詩三首

五月長齋詩

八關齋詩三首

詠懷詩五首

述懷詩二首

詠大德詩

詠禪思道人

備詠利城山居

鳩羅摩什

十喻詩

贈沙門法和

惠遠

廬山東林雜詩

報羅什偈

廬山諸道人

遊石門詩

廬山諸沙彌

觀化決疑

史宗

詠懷詩

帛道猷

陵峯採藥觸興為詩

竺僧度

答茗華詩

茗華贈詩附

張奴

歌一首

謝道韞

登山

擬樞中散詠松

咏雪聯句

桃葉

答團扇歌三首

團扇郎

謝芳姿

團扇歌二首

劉和妻王氏

正朝詩

傅充妻辛氏

元正詩

陳新塗妻李氏

冬至詩

晉十八 卷之三

蘇若蘭

璇璣圖詩 并序 讀法

晉十九 卷之三

郊廟歌辭

晉郊祀歌三首 傅玄

夕牲歌

迎送神歌

饗神歌

晉天地郊明堂歌五首

夕牲歌

降神歌

天郊饗神歌

地郊饗神歌

晉明堂饗神歌

晉宗廟歌十一首

夕牲歌

迎送神歌

征西將軍登歌

豫章府君登歌

穎川府君登歌

京兆府君登歌

宣皇帝登歌

景皇帝登歌

文皇帝登歌

饗神歌

晉江左宗廟歌十三首

歌高祖宣皇帝

歌世宗景皇帝

歌太祖文皇帝

歌世祖武皇帝

歌中宗元皇帝

歌肅宗明皇帝

歌顯宗成皇帝

歌康皇帝

歌孝宗穆皇帝

歌哀皇帝

歌太宗簡文皇帝

歌烈宗孝武皇帝

四時祠祀歌

曹毗

燕射歌辭

晉四廟樂歌三首

傅玄

正旦大會行禮歌

上壽酒歌

食舉東西箱歌

晉四廟樂歌十七首

荀勗

正旦大會行禮歌四首

於皇

明明

邦國

祖宗

王公上壽酒歌

晉四踐元辰

食舉樂東西廂歌十二首

煌煌

賓之初筵

三后

赫矣

烈文

猗歟

隆化

振鷺

翼翼

既宴

金時雍

嘉會

晉四廂樂歌十六首

張華

王公上壽詩

食舉東西廂樂詩

正旦大會行禮詩

晉四廂樂歌

成公綏

王公上壽酒歌

正旦大會行禮歌

晉冬至初歲小會歌

張華

晉宴會歌

晉中宮所歌

晉宗親會歌

晉二十卷之三十一

晉詩已目錄

卷一

凡

鼓吹曲辭

晉鼓吹曲二十二首 傅玄

晉靈之祥 宣受命

征遼東 宣輔政

時運多難 景龍飛

平玉衡 文皇統百揆

因時運 惟庸蜀

天序 大晉承運期

金靈運 於穆我皇

仲春振旅 夏苗田

仲秋獮田 順天道

唐堯 玄雲

伯益 釣竿

晉凱歌二首 張華

命將出征歌 勞還師歌

舞曲歌辭

晉正德大豫舞歌二首 傅玄

正德舞歌 大豫舞歌

晉正德大豫舞歌二首 荀勗

正德舞歌 二首 大豫舞歌

晉正德大豫舞歌二首 張華

正德舞歌 大豫舞歌

晉宣武舞歌四首 傅玄

惟聖皇篇 短兵篇

軍鎮篇 窮武篇

晉宣文舞歌一首

羽籥舞歌 羽鐸舞歌

晉擊舞歌五首

洪業篇 天命篇

景皇篇 大晉篇

明君篇

晉鐸舞歌

雲門篇

拂舞歌三首 無名氏

白鳩篇 獨漉篇

濟濟篇

晉白紵舞歌詩三首 晉杯槃舞歌詩

晉二十一 卷之三

清商曲辭

古辭

吳聲歌曲

子夜歌四十二首

子夜四時歌七十五首

春歌二十首

夏歌二十首

秋歌十八首

冬歌十七首

太子夜歌二首

子夜警歌二首

子夜變歌三首

上聲歌八首

歡聞歌

歡聞變歌六首

前溪歌七首

阿子歌三首

團扇郎七首

七日夜女歌九首

長史變歌三首

黃生曲三首

黃鵠曲四首

桃葉歌三首

同前

長樂佳八首

歡好曲三首

懊儂歌十四首

黃竹子歌

江陵女歌

神弦歌十一首

宿阿曲

道君曲

聖郎曲

嬌女詩

白石郎曲

青溪小姑曲

湖就姑曲

姑恩曲

採蓮童曲

明下童曲

同生曲

晉二十二

清商曲辭

古辭

西曲歌

三洲歌

採桑度

江陵樂

青陽度

青驄白馬

安東平

女兒子

來羅

那呵灘

孟珠

同前

翳樂

夜黃

夜度娘

長松標

雙行纏

黃督

尋陽樂

拔蒲

月節折楊柳歌十三首

正月歌

三月歌

五月歌

七月歌

九月歌

十一月歌

閏月歌

晉二十二卷之四

雜曲歌辭

西洲曲

東飛伯勞歌

休洗紅

雜詩

雜歌謠辭

西平樂

白附鳩

作蠶絲

二月歌

四月歌

六月歌

八月歌

十月歌

十二月歌

古辭

長干曲

樂辭

邯鄲歌

無名氏

歌辭

徐聖通歌

崔左丞歌

東晉歌

應詹歌

并州歌

襄陽兒童歌

吳人歌

豫州歌

三明歌

庾公歌二首

卻王歌

御路揚歌

鳳凰歌

歷陽歌

樊氏陂歌

桓玄時小兒歌

從者歌

涼州大馬歌

麴游歌

隴上歌二首

關隴歌

苻秦鳳凰歌

苻堅時長安歌

滎豫歌三首

巴東三峽歌三首

武陵人歌

綿州已歌

三峽謠

樊道謠

三秦記民謠

晉二十四

卷之四
十四

雜歌謠辭

謠辭

泰始中謠

裴秀謠

南土謠

軍中謠

閣道謠

蜀民謠

蜀人謠二首三首

武帝太康後童謠三首

惠帝時兒童謠

溫縣狂書

惠帝永熙中童謠

惠帝元康中京洛童謠二首

惠帝大安中童謠
元康中童謠

元康中洛中童謠
著布謠

洛下謠
惠帝時洛陽童謠

懷帝永嘉初童謠二首

王彭祖謠
棗郎謠

愍帝初童謠
建興中江南謠

幼輿謠
明帝太寧初童謠

成帝末童謠
咸康二年童謠

吳中童謠
哀帝隆和初童謠

太和末童謠
京口民間謠二首

京口謠

孝武帝太和末京

謠口

黃曇謠

荊州童謠

安帝元興中童謠

安帝元興初童謠

司馬元顯時民謠二首

安帝義熙初童謠

安帝義熙初謠二首

永嘉中長安謠

西土謠

姑臧謠

洪水謠

苻生時長安謠二首

苻堅時長安謠

苻堅時長安謠

苻堅初童謠

苻堅時童謠

朔馬謠

燕童謠

夫風謠

諺語附

石仲容

渤海

貂不足

西郡司馬

江應元

三王

衛介

慶孫越石

洛中謠三首

王與馬

郝王謠

同前

王僧珍

五樓

二梁

五龍一門

詩紀目錄

詩紀卷之二十

晉

其巡按陝西監察御史太原甄敬

陝西按察司僉事北海馮惟訥彙編

司馬懿

字仲達河內溫縣人仕魏歷事武帝文帝明

進尊為宣帝廟號高祖

燕飲歌

晉書曰高祖伐公孫淵過溫見父老

天地開闢日月重光遭逢際會奉辭遐方將掃逋

史作

穢還過故鄉蕭清萬里總齊八荒告成歸老待罪武陽

荀勗

字公曾潁川人初辟大將軍曹爽掾武帝受禪封濟北郡公領著作秘書監大康中遷尚書令

從武帝華林園宴

二章初學記作荀勗從武帝華林園藝文類聚逸勗名

後人遂以為武帝詩誤也

習習春陽帝出乎震

叶平聲

天施地生以應仲春思文聖

皇順時秉仁欽若靈則飲御嘉賓洪恩普暢慶乃

臣

其慶惟何錫以帝祉肆覲群后有客戾止外納要荒內

延卿士簫管詠德八音咸理凱樂飲酒莫不宴喜

三月三日從華林園

清節中季春姑洗通滯塞玉輅扶淶池臨川蕩苛慝

張華

字茂先范陽人晉武帝受禪以為黃門侍郎贊伐吳有功封廣武侯遷尚書後進為侍中中書

監盡忠匡輔加封公元康六年拜司空與趙王倫

孫秀有隙為倫秀所害○詩品云張華詩其源出於王粲其體華艷興託不奇巧用文字務為妍冶

雖名高曩代而疏亮之士猶恨其兒女情多風雲氣少謝康樂云張公雖復千篇猶一體耳今置之

門有車馬客行

門有車馬客問君何鄉士捷步往相訊果是舊鄰里語

昔有故悲論今無新喜清晨相訪慰日暮不能已詞端

競未究忽唱分途始前悲尚未弭後憂方復起

輕薄篇

末世多輕薄驕代

一作

好浮華志意既

能

放逸貨財

亦豐奢被服極纖麗肴膳盡柔嘉童僕餘梁肉婢妾踏

綾羅文軒樹羽蓋乘馬鳴玉珂橫簪刻玳瑁長鞭錯象

牙足下金鑄履手中雙莫耶賓從煥絡繹侍御何芬葩

朝與金張期暮宿許史家甲第面長街朱門赫嵯峩蒼

梧竹葉清宜城九醞醑浮醪隨觴轉素蟻自跳波美女

興齊趙妍唱出西巴一顧城國傾千金

樂府作不足

多北

里獻竒舞大陵奏名歌新聲踰激楚妙妓絕陽阿玄鶴

降浮雲鱣魚躍中河墨翟且停車展季猶咨嗟淳于前

行酒雍門坐相和孟公結重關賓客不得蹉三雅來何

遲耳熱眼中花盤按互交錯坐席咸誼譁簪珥咸墮落

冠冕皆傾邪酣飲終日夜明燈繼朝霞絕纓尚不尤安

能復顧他留連彌信宿此歡難可過人生若浮寄年時

忽蹉跎促促朝露期榮樂遽幾何念此腸中悲涕下自

滂沱但畏執法吏禮防且切磋

遊俠篇

翩翩四公子濁世稱賢名龍虎相交爭七國並抗衡食

客三千餘門下多豪英遊說朝夕至辯士自縱橫孟嘗

東出關濟身由鷄鳴信陵西反魏秦人不窺兵

藝文類聚作關

濟趙勝南詛楚乃與毛遂行黃歇北適秦太子還入荆

美哉遊俠士何以尚四卿我則異於是好古師老彭

博陵王宮俠曲二首

俠客樂幽險築室窮山陰獠獵野獸稀施網川無禽歲
暮飢寒至慷慨頓足吟窮令壯士激安能懷苦心干將
坐自繁弱控餘音耕佃窮淵陂種粟著劍鐔收秋狹
路間一擊重千金棲遲熊羆穴容與虎豹林身在法令
外縱逸常不禁

雄兒任氣俠聲蓋少年場借友行報怨殺人租市旁吳
刀鳴手中利劍嚴秋霜腰間又素戟手持白頭鑲騰超
如激電迴旋如流光奮擊當手決交屍自縱橫寧爲殤
鬼雄義不入圍墻生從命子遊死聞俠骨香身沒心不
懲勇氣加四方

遊獵篇

歲暮凝霜結堅冰沍幽泉厲風蕩原隰浮雲蔽昊天玄
雲掩靄合素雪紛連翩鷹隼始擊鷙虞人獻時鮮嚴駕

鳴儔侶攬轡過中田戎車方四牡文軒馭紫燕與徒旣
整飭容服麗且妍武騎列重圍前驅抗脩旃倏忽似回
飈絡繹若浮烟鼓噪山淵動衝塵雲霧連輕繒拂素霓
織網蔭長川游魚未暇竄歸鴈不得還一作由基控繁
弱公差操黃間機發應弦倒一縱連雙肩僵禽正狼藉
落羽何翻翻積獲被山阜流血丹中原馳騁未及勸曜
靈俄移晷結且彌敷澤罟聲振四鄙鳥驚觸白刃獸駭
掛流矢仰手接遊鴻舉足蹴羣兕如黃批狡兔青骹撮
飛雉鵠鷺不盡收鳧鷖安足視日冥徒御勞賞勤課能
否野饗會衆賓玄酒甘且旨燔爇播遺芳金觴浮素蟻
珍羞墜歸雲織肴出淥水四氣運不停年時何疊疊人
生忽如寄居世遽能幾至人同禍福達士等生死榮辱
渾一門安知惡與美遊放使心狂覆車難再履伯陽爲
我誠檢跡投清軌

蘇東坡壯士篇

天地相震蕩回薄不知可

一作

窮人物稟常格有始必有

終年時俛仰過功名宜速崇壯士懷憤激安能守虛冲
乘我大宛馬撫我繁弱弓長劍橫九野高冠拂玄穹慷

慨成素霓嘯叱起清風震響駭八荒奮威曜四戎濯鱗
滄海畔馳騁大漠中獨步聖明世四海稱英雄

蕭史曲

藝文作張華樂府作鮑照然此詩詞格不類晉人當是鮑詩也

蕭史愛長

一作少

年羸女老童顏火粒願排棄霞霧好登

攀龍飛逸

一作竟

天路鳳起出秦關身去長不返簫聲時

往還

勵志詩

九章四言

大儀幹

鳥括反

運天迴地游四氣鱗次寒暑環周星火既

夕忽焉素秋涼風振落熠燿宵流

吉士思秋寔感物化日與月與

平聲

荏苒代謝逝者如斯

曾無日夜嗟爾庶士胡寧自舍

去聲

仁道不遐德輔如羽求焉斯至衆鮮克舉大猷玄漠將

抽厥緒先民有作貽我高矩

雖有淑姿放心縱逸出般

音盤

于游居多暇日如彼梓材

弗勤丹漆雖勞樸斲終負素質

養由矯矢獸號于林蒲蘆縈繳

職畧反

神感飛禽末伎之

妙動物應心研精耽道安有幽深

安心恬蕩棲志浮雲體之以質彪之以文如彼南畝力

未既勤蔗音蔗致功必有豐殷

水積成川載瀾載清土積成山歆蒸鬱冥山不讓塵川

不辭盈勉爾一作含弘以隆德聲

高以下基洪由織起川廣自源成人在始累上聲微以著

乃物之理墨音牽之長實累去聲千里

復禮終朝天下歸仁若金受礪若泥在鈞進德脩業輝

光日新隰朋仰慕予亦何人

祖道征西應詔詩

赫赫大晉奄有萬方陶以仁化曜以天光貳跡陝西實

在我王內飪玉鉉外惟鷹揚四牡揚鑣玄輅振綏庶寮

群后餞飲洛湄感離嘆悽慕德遲遲

祖道趙王應詔詩

崇選穆穆利建明德一作於顯穆親時惟我王真姿自

然金質玉相光宅舊趙作鎮冀方休寵曲錫備物煥彰

發軔上京出自天邑百寮餞行縉紳具集軒冕我我冠

蓋習習戀德惟懷永嘆弗及

太康六年三月三日後園會四章

暮春元日陽氣清明祁祁甘雨膏澤流盈習習祥風啓

滯導生禽鳥翔逸卉木滋榮纖條被綠翠華含英

於皇我后欽若昊乾順時省物言觀中園讌及群辟乃

命乃延一作初筵合樂華池被濯清川汎彼龍舟泝游洪源

藝文作泝
渚游源

朱幕雲覆列坐文茵羽觴波騰品物備珍管絃繁會變

用奏新穆穆我皇臨下渥仁訓以慈惠詢納廣神好樂

無荒化達無垠

咨予微臣荷寵明時忝恩于外攸攸三期犬馬惟慕天

賽爲之靈啓其願邀頤在茲予以表情爰著斯詩

上巳篇以五言

仁風導和氣句芒御昊春姑洗應時月元巳啓良辰密

雲蔭朝日零雨灑微塵飛軒遊九野置酒會衆賓臨川

懸廣幕夾水布長茵徘徊存往古慷慨慕先真朋從自

遠至童冠八九人追好舞雩庭擬跡洙泗濱伶人理新

樂膳夫然時珍八音礪磬奏有俎從橫陳妙舞起齊趙

悲歌出三秦春體踰九醴冬清過十旬盛時不努力歲

暮將何因勉哉衆君子茂德景日新高飛舞鳳翼輕舉

攀龍鱗

荅何劭三首

何劭贈詩別見

吏道何其迫窘然坐自拘纓綬為微繹文憲焉可踰恬
曠苦不足煩促每有餘良朋貽新詩示我以游娛穆如
灑清風煥若春華敷自昔同寮寀音菜於今比園廬衰疾
近辱殆庶幾並懸輿散髮重陰下抱杖臨清渠屬耳聽
鶯鳴流日翫儵魚從容養餘日取樂於桑榆

洪鈞陶萬類大塊稟群生明闇信異姿靜躁亦殊形自
予及有識志不在功名虛恬竊所好文學少所經忝荷
既過任白日已西傾道長苦智短責重困才輕周任有
遺規其言明且清負乘為我戒夕惕坐自驚是用感嘉
貺寫心出中誠發篇雖溫麗無乃違其情

駕言歸外庭放志永棲遲相伴步園疇春草鬱鬱滋榮
觀雖盈目親友莫與偕悟物增隆思結戀慕同儕援翰
屬新詩永嘆有餘懷

情詩五首

清風動帷簾晨月照五臣作燭幽房佳人處遐遠蘭室無容

光襟懷擁虛景輕衾覆空牀居歡惜夜促在戚怨宵長

拊五臣作撫枕獨嘯歎感慨心內傷

游目四野外逍遙獨延佇蘭蕙緣清渠繁華蔭綠渚佳人不在茲取此欲誰與巢居知風寒穴處識陰雨不曾遠別離安知慕儔侶

北方有佳人端坐鼓鳴琴終晨撫管絃日夕不成音憂來結不解我思存所欽君子尋時役幽妾懷苦心初為三載別於今久滯淫昔耶生戶牖庭內自成陰翔鳥鳴翠偶草蟲相和吟心悲易感激俛仰淚流衿願託晨風翼束帶侍衣衾

明月曜清景曨光照玄墀幽人守靜夜迴身入空帷東

帶俟將朝廓落晨星稀寐假交精爽覲我佳人姿巧笑

媚懽一作懽媚一作媚睂與眉寤言增長歎悽然心獨悲

君居北海陽妾在江南陰懸邈脩途遠一作極山川阻

且深承懽注隆愛結分投所欽銜恩一作思篤守義萬里

託微心

感婚詩

駕言遊東邑東邑紛襍襍婚姻及良時嫁娶避當梁窈窕出閨女嫵婉姬與姜素顏發紅華美目流清揚鞞燁衆親盛於我猶若常譬彼暮春草榮華不再陽

雜詩三首

晷度隨天運四時互相承東壁正昏中涸陰寒節升繁
霜降當夕悲風中夜興朱火青無光蘭膏坐自凝重衾
無暖氣挾纊如懷冰伏枕終遙昔寤言莫予應永思慮
崇昔慨然獨拊膺

逍遙遊春空

一作宮

容與淶池阿白蘋開素葉朱草茂丹

華微風搖蕩若增波動芰荷榮彩曜中林流馨入綺羅
王孫遊不歸脩路邈以遐誰與翫遺芳佇立獨咨嗟
荏苒日月運寒暑忽流易同好逝不存迢迢遠離析房

櫛自來風戶庭無行迹蒹葭生牀下蛛蝥網四壁懷思
豈不隆感物重鬱積遊鴈比翼翔歸鴻知接翮來哉彼
君子無愁徒自隔

擬古

見藝文松類有詩無
題古遺集云擬古

松生壠坂上百尺下無枝東南望河尾西北隱崑崙
風振山籟朋鳥夜驚離悲涼貫年節葱翠恒若斯安得
草木心不怨寒暑移

遊仙詩三首

以下
闕文

雲霓垂藻旒羽袿揚輕裾飄登清雲間論道神皇廬蕭

史登鳳音王后吹鳴竽守精味玄妙逍遙無爲墟

玉珮連浮星輕冠結朝霞列坐王母堂艷體飡瑤華湘

妃詠涉江漢女奏陽阿

乘雲去中夏隨風濟江湘疊疊陟高陵遂升玉巒陽雲

娥薦瓊石神妃侍衣裳

贈摯仲治詩

君子有逸志棲遲於一丘仰蔭高林茂俯臨淥水流恬

淡養玄虛沉精研聖猷

招隱二首

隱士託山林遁世以保真連惠亮未遇雄才屈不伸

棲遲四野外陸沉背當時循名掩不著藏器待無期義

和策六龍弭節越崦嵫盛年俛仰過忽若振輕絲

成公綏

字子安東郡白馬人也少有俊才詞賦甚麗張華雅重綏薦為太常博士歷秘書郎遷中

書郎每與華受詔並為詩賦泰始九年卒

中宮詩二首

按樂府載張華晉中宮所歌一首體與此同

殷湯令妃有莘之女仁教內脩度義以處清謚後宮九

嬪有序尹為媵臣遂作元輔

周詩逸軌作賢明誦

天地不獨立造化由陰陽乾坤垂覆載日月曜重光治

國先家道立教起閨房二妃濟有虞三母隆周王塗山
興大禹有莘佐成湯齊晉霸諸侯皆賴姬與姜關雎思
賢妃此言安可忘

行詩

一云途
中作

洋洋熊耳流巍巍伊闕山高岡碣崔嵬雙阜夾長川素
石何磷磷水禽何翩翩遠涉許潁路顧思邈綿綿鬱陶
懷所親引領情緬然

遊仙詩

盛年無幾時奄忽行歆老那得赤松子從學度世道西
入華陰山求得神芝草珠玉猶戴土何惜千金寶但願
壽無窮與君長相保

詩紀卷之二十一

詩紀卷之二十二

晉二

傅玄

字休奕北地泥陽人博學善屬文舉秀才晉王
時為常侍及受禪進爵為子武帝初置諫官以
玄為之遷侍中轉司隸校尉免
官卒於家追封清泉侯謚曰剛

短歌行

樂府
四言

長安高城層樓亭亭干雲四起上貫天庭蜚螭何整行
如軍征蟋蟀何感中夜哀鳴蚍蜉愉樂粲粲其榮寤寐
念之誰知我情昔君視我如掌中珠何意一朝棄我溝
渠昔君與我如影如形何意一去心如流星昔君與我

兩心相結何意今日忽然兩絕

秋胡行

秋胡子娶婦三日會行仕宦既享顯爵保茲德音以祿

願親韞此一作黃金覩一好婦採桑路傍遂下黃金誘

以逢卿玉磨逾潔蘭動彌馨源流潔清水無濁波柰何

秋胡中道懷邪美此節婦高行魏我哀哉可愍自投長

河

惟漢行

以下五言

危哉鴻門會沛公幾不還輕裝入人軍投身湯火間兩

雄不俱立亞父見此權項莊奮劍起白刃何翩翩伯身

雖為蔽事促不及旋張良帽坐側高祖變龍顏賴得樊

將軍虎叱項王前噴目駭三軍磨牙咀豚肩空危讓霸

主臨急吐奇言威凌萬乘主指顧回泰山神龍困鼎鑊

非噲豈得全狗屠登上將功業信不原健兒實可慕腐

儒安足歎

豔歌行

日出東南隅照我秦氏樓秦氏有好女自字為羅敷首

戴金翠飾耳綴明月珠白素為下裾丹霞為上襦一顧

傾朝市再願國爲虛問女居安在堂在城南居青樓臨
大巷幽門結重樞使君自南來駟馬立踟躕遣吏謝賢
女豈可同行車斯女長跪對使君言何殊使君自有婦
賤妾有鄙夫天地正厥位願君改其圖

長歌行

利害同根源賞下有甘鈎義門近
塘獸口出通侯撫
劔安所趨蠻方未順流蜀賊阻石城吳寇馮龍舟二軍
多壯士聞賊如見讐投身効知己徒生心所羞鷹隼厲
天翼恥與鷲雀遊成敗在縱者無令鷲鳥憂

豫章行苦相篇

苦相身爲女卑陋難再陳男兒當門戶墮地自生神雄
心志四海萬里望風塵女育無欣愛不爲家所珍長大
逃深室藏頭羞見人垂淚適他鄉忽如雨絕雲低頭和
顏色素齒一作頰結朱唇跪拜無復數婢妾如嚴賓情合
同雲漢葵藿仰陽春心乖甚水火百惡集其身玉顏隨
年變丈夫多好新昔爲形與影今爲胡與秦胡秦時相
見一絕踰參辰

和秋胡行

一云和班氏詩

秋胡納令室三日宦他鄉皎皎潔婦姿冷冷守空房燕
婉不終夕別如參與商憂來猶四海易感難可防人言
生日短愁者苦夜長百草揚春華攘腕採柔桑素手尋
繁枝落葉不盈筐羅衣翳玉體回目流采章君子倦仕
歸車馬如龍驤精誠馳萬里既至一作去兩相忘行人悅
令顏借息此樹傍誘以逢卿喻遂下黃金裝烈烈貞女
忿言辭厲秋霜長驅及居室奉金升北堂母立呼婦來
歡情樂未央秋胡見此婦惕然懷探湯負心豈不慙永
誓非所望清濁必異源鳧鳳不並翔引身赴長流果哉

潔婦腸彼夫既不淑此婦亦太剛

飲馬長城窟行一作青青河邊草篇

青青河邊草悠悠萬里道草生在春時遠道還有期春
至草不生期一作泣盡歎無聲感物懷思心夢想發中情
夢君如鴛鴦比翼雲間翔既覺寂無見曠如參與商夢
君結同心比翼遊北林既覺寂無見曠如商與參河洛
自用固不如中岳安回流不及返浮雲徃自還悲風動
思心悠悠誰知者懸景無停居忽如馳駟馬傾耳懷音
響轉目淚雙墮生存無會期要君黃泉下

放歌行

靈龜有枯甲神龍有腐鱗人無千歲壽存質空相因朝
露尚移景促哉水上塵丘冢如履綦不識故與新高樹
來悲風松柏垂威神曠野何蕭條願望無生人但見狐
狸迹虎豹自成群孤雛攀樹鳴離鳥何續紛愁子多哀
心塞耳不忍聞長嘯淚雨下太息氣成雲

豔歌行有女篇

有女懷芬芳媞媞步東廂蛾眉分翠羽明目一作發清
揚丹唇翳皓齒秀色若珪璋巧笑露權厖衆媚不可詳

令儀希世出無乃古毛嬙頭安金步搖耳繫明月璫珠

環約素腕翠羽垂鮮光文袍綴藻黼玉體映羅裳容華

既已豔志節擬秋霜微樂府作微音冠青雲聲響流四方妙

哉美媛德宜配侯與王靈應萬世合日月時相望媒氏

陳束帛羔鴈鳴前堂百兩盈中路起若鸞鳳翔凡夫徒

踴躍望絕殊參商

牆上難為趨

古今樂錄曰王僧虔技錄云牆上難為趨行荀錄所載牆上一篇今不傳

門有車馬客駉服若騰飛革組結玉佩繁藻紛葳蕤馮

軼垂長纓顧盼有餘輝貧主徒弊履整比藍縷衣客曰
嘉病乎正色意無疑吐言若覆水搖舌不可追渭濱漁
釣翁乃為周所諮顏回處陋巷大聖稱庶幾苟富不知
度千駟賤采薇季孫由儉顯管仲病三歸夫差耽淫侈
終為越所圍遺身外榮利然後享巍巍迷者一何衆孔
難知德希甚美致憔悴不如豚豕肥楊朱泣路岐失道
令人悲子貢欲自矜原憲知其非屈伸各異勢窮達不
同資夫唯體中庸先天天不違

怨歌行朝時篇

昭昭朝時日皎皎晨

樂府作最

明月十五入君門一別終華

髮同心忽異離曠如

一作若

胡與越胡越有會時參辰遼

且闊形影雖髮鬢音聲寂無達織絃感促柱觸之哀聲
發情思如循環憂來不可遏塗山有餘恨詩人詠采芎
蜻蛚吟床下回風起幽閨春榮隨路落芙蓉生木末自
傷命不遇良辰永乖別已爾可柰何譬如紈素裂孤雌
翔故巢星流光景絕鬼神馳萬里甘心要同穴

秋蘭篇

秋蘭蔭玉池池水清且芳芙蓉隨風發中有雙鴛鴦雙

魚自踴躍兩鳥時迴翔君其一作歷九秋與妾同衣裳

明月篇藝文作怨詩一作朗月篇

皎皎明月光灼灼朝日暉昔為春蠶絲今為秋女衣丹

唇列素齒翠彩發蛾眉嬌子多好言歡合易為姿玉顏

盛有時秀色隨年衰常恐新聞舊變故興細微浮萍本

無根一作浮萍無根本非水將何依憂喜更相接樂極還自悲

前有一罇酒行

置酒結此會主人起行觴玉罇兩楹間絲理東西廂舞

袖一何妙變化窮萬方賓主齊德量欣欣樂未央同享

千年壽朋來會此堂

何當行

同聲自相應同心自相知外合不由中雖固終必離管

鮑不世出結交安可為

却東西門行樂府不載見初學記以下三首文疑闕

和樂唯有舞運體不失機退似前龍婉進如翔鸞飛回

目流神光傾亞有餘姿

美女篇

美人一何麗顏若芙蓉花一顧亂人國再顧亂人家未

亂猶可柰何

飛塵篇

飛塵穢清流朝雲蔽日光秋蘭豈不芬鮑肆亂其芳河
決潰金堤一手不能障

董逃行歷九秋篇十二首

六言 玉臺新詠以前十首作梁簡文帝

今從樂府併為玄詩選詩拾遺曰樂錄云傳玄作據文選注引之以為漢古辭也

歷九秋兮三春遺貴客兮遠賓顧多君心所親乃命妙
妓才人炳若日月星辰

序金壘兮玉觴賓主迤起鴈行杯若飛電絕光交觴接

卮結裳慷慨歡笑萬方

奏新詩兮夫君爛然虎變龍文渾如天地未分齊謳楚

舞紛紛歌聲上激青雲

窮八音兮異倫竒聲靡靡每新微披素齒丹唇逸響飛

薄梁塵精爽眇眇入神

坐咸醉兮沾歡引樽促席臨軒進爵獻壽翻翻千秋要

君一言願愛不移若山

君恩愛兮不竭譬若朝日夕月此景萬里不絕長保初

醮髮結何憂坐成胡越

携弱手兮金環上遊飛閣雲間穆若鴛鳳雙鸞還幸蘭
芳自安娛心樂意難原

樂既極兮多懷盛時忽逝若頽寒暑革御景迴榮華隨

風飄摧感物動心增哀

妾受命兮孤虛男兒墮地稱珠一作姝女弱雖存若無骨

肉至親更疏奉事他人託軀

君如影兮隨形賤妾如水浮萍明月不能常盈誰能無

根保榮良時冉冉代征

顧繡領兮含暉皎日迴光則微朱華忽爾一作是漸衰影

歆舍影高飛誰言徃思可追

馨與麥兮夏零蘭桂踐霜逾馨祿命懸天難明妾心結

意丹青何憂君心中傾選詩拾遺曰此篇髣髴懽感如

商曾疊綺繪斐疊其言有文焉其聲有永焉惜不知何

人之詞非相如枚乘其誰能為之走僵李柱不能及矣

嗚呼美矣盡矣麗矣則矣當為百世六言之祖也訥按

此辭本題曰董逃行歷九秋篇董逃行起於漢末不得

謂相如枚乘為之也觀其辭

體不類二京當以樂錄為正
吳楚歌七言 一曰
燕人美兮趙女佳其室則邇兮限層崖雲為車兮風為
馬玉在山兮蘭在野雲無期兮風有止思多端兮誰能

理一作思心多
端誰能理

鴻雁生塞北行以下雜言

魏武帝却東西門行曰鴻雁生塞北乃在無人鄉

鳳凰遠生海西及時崑山岡五德存羽儀和鳴定宮商
百鳥並侍左右鼓翼騰華光上熙遊雲日間千歲時來
翔孰若彼龍與龜曳尾泥中藏非雲雨則不升冬伏春
迺驤退哀此秋蘭草根絕隨化揚靈氣一何憂美萬里
馳芬芳常恐物微易歇一朝見弃忘

白楊行

古今樂錄曰王僧虔技錄有白楊行今不歌

青雲固非青當雲柰白雲驥從西北馳來吾何憶驥來
對我悲鳴舉頭氣凌青雲當柰此驥正龍形踈足蹉跎
長坡下蹇驢慷慨敢與我爭馳躑躅鹽車之中流汗兩
耳盡下垂雖懷千里之逸志當時一得施白雲影影舍
我高翔青雲徘徊戢我愁啼上眄增崖下臨清池日歆
西移既來歸君君不一顧仰天太息當用生為青雲乎
飛時悲當柰何耶青雲飛乎

秦女休行

龐一作秦氏有烈婦義聲馳雍涼父母家有重怨仇人暴

且疆雖有男兄弟志弱不能當烈女念此痛丹心為寸

傷外若無意者內潛思無方白日入都市怨家如平常

匿劍藏白刃一奮尋身僵身首為之異處仗尸列肆旁

肉與土合成泥灑血濺飛梁猛氣上干雲冤仇黨失守

為披攘一市稱烈義觀者收淚並慨忼百男何當益不

如一女良裂女直造縣門云父不幸遭禍殃今仇身以

分烈雖死情益揚殺人當伏法義不苟活隳舊章縣令

解印綬令我傷心不忍聽刑部垂頭塞耳令我吏舉不

能成烈著希代之績義立無窮之名夫家同受其祚子

子孫孫咸享其榮今我作歌詠高風激揚壯發悲且清

雲中白子高行

陵陽子來明意欲作天與仙人遊超登元氣攀日月遂

造天門將上謁閭闔闢見紫微絳闕紫宮崔嵬高殿差

峩雙闕萬丈玉樹羅童女掣電策童男挽雷車雲漢隨

天流浩浩如江河因王長公謁上皇鈞天樂作不可詳

龍仙神仙教我靈秘八風子儀與遊我祥我心何戚戚

思故鄉俯看故鄉二儀設張樂哉二儀日月運移地東

南傾天西北馳鶴五氣所補鰲四足所支齊駕飛龍駝
赤螭逍遙五岳間東西馳長一作與天地並復何爲復
何爲

西長安行

所思兮何在乃在西長安何用存問妾香橙雙珠環何
用重存問羽爵翠琅玕今我兮問君更有兮異心香亦
不可燒環亦不可沈香燒日有歇環沈日自深

車遙遙篇

樂府作車
敍梁人

車遙遙兮馬洋洋追思君兮不可忘君安遊兮西入秦

願爲影兮隨君身君在陰兮影不見君依光兮妾所願

昔思君

昔君與我兮形影潛結今君與我兮雲飛雨絕昔君與
我兮音響相和今君與我兮落葉去柯昔君與我兮金
石無虧今君與我兮星滅光離

答程曉詩

四言○休奕諸詩文句多闕不能盡
析姑從類次之其不成章者列于卷

末

奕奕兩儀昭昭太陽四氣代升三朝受祥濟濟群后
我聖皇元服肇御配天垂光伊州作弼王室惟康顯顯

兆民蠢蠢戎羶率土充庭萬國奉蕃皇澤雲行神化風
宣六合咸熙遐邇同歡赫赫明明天人合和下罔遺滯
焦朽斯華矧我良朋如玉之嘉穆穆雖雖興頌作歌

宴會詩

日之既逝情亦既渥賓委餘歡主容不足樂飲今夕温
其如玉

芙蕖

煌煌芙蕖從風芬葩照以皎日灌以清波陰結其實陽
發其華金房綠葉素株翠柯

雜詩三首

以下
五言

志士惜日短愁人知夜長攝衣步前庭仰觀南鴈翔玄
景隨形運流響歸空房清風何飄颻微月出西方繁星
衣一作青天列宿自成行蟬鳴高樹間野鳥號東廂纖
雲時鬢髻渥露沾我裳良時無停景北斗忽低昂常恐
寒節至凝氣結爲霜落葉隨風摧一絕如流光

閑夜微風起明月照高臺清響呼不應玄景招不來厨
人進藿茹有酒不盈杯安貧福所與富貴爲禍媒金玉
雖高堂於我賤蒿萊

鵲巢丘城側雀乳空井中居不附龍鳳常畏蛇與蟲依
賢義不恐近暴自當窮

又答程曉

羲和運玉衡招搖賦朔旬嘉慶形三朝美德揚初春聖
主加元服萬國望威神伊周敷玄化並世霑天人洪崖
歌山岫許由嗟水濱

宴詩

鸞鳥睇鳳皇望舒繼白日千秋邁嘉會來升君子室華
樽享清醑珍肴自盈溢

天行篇

天行一何健日月無高蹤百川皆赴海藝文作赴陽谷三辰回

泰蒙

日昃歌

東光昇朝陽羲和初攬轡六龍並騰驤逸景何晃晃旭
日照萬方皇德配天地神明鑒幽荒

三光篇

初學作劉孝綽

三光垂象表天地有晷度聲和音響應形立影自附素
日抱玄鳥明月懷靈兔

衆星詩

朗月共衆星日出擅其明冬寒地爲裂春和草木榮陽
德雖普濟非陰亦不成

苦雨

徂暑未一向重陽翳朝霞厥初月離畢積日遂滂沱屯
雲結不解長溜周四阿霖雨如倒井黃潦起洪波湍深
激墻隅門庭若决河炊爨不復舉竈中生蛙蝦

苦熱

藝文
熱部

朱明運將極溽暑晝夜與裁動四支廢舉身若山陵珠

汗洽玉體呼吸氣鬱蒸塵垢自成泥素粉隨手凝

古詩

東方大明星光景照千里少年舍家遊思心晝夜起

擬四愁詩四首

并序
以下七言

張平子作四愁詩體小而俗七言類也聊擬而作之

名曰擬四愁詩

我所思兮在瀛洲願爲雙鵠戲中流牽牛織女期在秋
山高水深路無由愍余不遘嬰殷憂佳人貽我明月珠
何以要之比目魚海廣無舟悵勞劬寄言飛龍天馬駒

風氣雲披飛龍逝驚波滔天馬不厲何爲多念心憂泄

我所思兮在珠崖願爲比翼浮清池剛柔合德配二儀

形影一絕長別離愍余不遘情如携佳人貽我蘭蕙草

何以要之同心鳥火熱水深憂盈抱申以琬琰夜光寶

卞和旣没玉不察存若流光忽電滅何爲多念獨鬱結

我所思兮在崑山願爲鹿麇一作闕虞淵日月迴暉照

景天參辰曠隔會無緣愍余不遘罹百艱佳人貽我蘇

合香何以要之翠鴛鴦懸度弱水川無梁申以錦衣文

繡裳三光騁邁景不留鮮似民生忽如浮何爲多念祗

自愁

我所思兮在朔方願爲飛燕俱南翔煥乎人道著三光

胡越殊心生異鄉愍余不遘罹百殃佳人遺我葆羽纓

何以要之影與形永增憂結繁華零申以日月指明星

星辰有翳日月移鴛鴦哀鳴慙不馳何爲多念徒自虧

兩儀詩

兩儀始分元氣清列宿垂象六位成日月西流景東征

悠悠萬物殊品名聖人憂代念群生一作兩儀始分元氣上清列宿垂象

六位時成日月西邁流景東征悠悠萬物殊品齊名聖人憂世實念群生

天行歌

雜言

天時泰兮昭以陽清風起兮景雲翔仰觀兮辰象日月
兮運周俯視兮河海百川兮東流

驚雷歌

驚雷奮兮震萬里威陵宇宙兮動四海六合不維兮誰
能理

雜言

一作雷

雷隱隱感妾心傾耳清聽非車音

一無清字

雲歌

白雲翩翩翔天庭流景髣髴非君形白雲飄飄捨我高
翔青雲徘徊為我愁腸

蓮歌

渡江南採蓮花芙蓉增敷擘若星羅綠葉映長波迴風
容與動纖柯

啄木

啄木高翔鳴喙喙飄搖林薄著桑槐猥綠樹間喙如錐
嚶嚶嚶聲正悲專為萬物作倡俳當此之時樂不可
迴

雜歌

鳳有翼龍有鱗君不獨興必須良臣

九曲歌

歲莫景邁群光絕安得長繩繫白日

歌詞

雷師鳴鐘鼓風伯吹笙簧西母出穴聽王父吟東廂風

失題五首

見藝文日部

湯谷發清曜九日棲高枝願得並天御六龍齊玉羈

二

初學元部

有女殊代生涉江采菱花上翳青雲景下鑿淥水波

三

藝文稍部

彎我繁弱弓弄我丈八稍一舉覆三軍再舉殄戎貊

不韻

四

藝文庭燎部

元正始朝享萬國執珪璋枝燈若火樹庭燎繼天光

五

藝文松部

飛蓬隨飄起芳草摧山澤世有千年松人生詎能百

傳咸

字長虞玄之子也剛簡有大節風格峻整識性明悟好屬文論雖綺麗不足而言成規鑒潁川

庾純嘗歎曰長虞之文近乎詩人之作矣襲父爵拜太子洗馬官至司隸校尉

孝經詩 二章

春秋正義曰傳成七經詩王義之寫然今所存者六經耳

立身行道始於事親上下無怨不惡於人一作不敢惡人孝無終始不離其身三者備矣以臨其民

以孝事君不離令名進思盡忠義則不爭匡救其惡災害不生孝悌之至通於神明

論語詩 二章

守死善道磨而不磷直哉史魚可謂大臣見危授命能

致其身

克已復禮學優則仕富貴在天為仁由己以道事君死而後已

毛詩詩 二章

無將大車維塵冥冥濟濟多士文王以寧顯允君子大猷是經

聿脩厥德令終有俶勉爾遐思我言維服盜言孔甘其何能淑讒人罔極有覲面目

周易詩

卑以自牧謙尊而光進德脩業既有典常暉光日新照于四方小人勿用君子道長

周官詩二章

惟王建國一作極設官分職進賢興功取諸初學作時文易直

除其不蠲無敢反側以德詔爵允臻其極

辨其可任以告于正掌其戒禁治其政令各修乃職以

聽王命

左傳詩

前四首藝文類聚各分二章此首藝文不載以例考之亦當爾也

事君之禮敢不盡情敬奉德義樹之風聲昭德塞違不

殞其名死而利國以為已榮茲心不爽忠而能力不為

利啗古之遺直威黜不端勿使能植

與尚書同僚詩

非望之寵謬加于已猥授非據奄司萬里煌煌朱軒服

驥駟駉驂曄曄初星肅肅臣僕暉光顯赫衆目所屬斯之

弗稱匪榮伊辱質弱尚父受任鷹揚德非樊仲王命是

將百城或違無能有匡一州之矜將弛其綱得意忘言

言在意後夫惟神交可以長久我心之孚有盈于缶與

子偕老豈曰執手出司萬一作百里牧彼朔濱服冕乘軒

六轡旣均威風先邁百城肅震
言其意贈褚武良詩
爰旣于褚惟晉之禎肇振鳳翼羽儀上京聿作喉舌納
言紫庭光贊帝道敷皇之明方任之重實在江揚乃授
旄鉞宣曜威靈悠悠遐邁東夏于征
非望之贈崔伏二郎詩
英妙之選二生之授顯顯兩城歡德之茂君子所居九
夷非陋無狹百里而不垂覆人之好我贈我清詩示我
周行心與道期誠發自中義形於辭古人辭謹豈不爾

思

荅潘尼詩

并序

京司州秀才潘正叔識通才高以文學溫雅爲博士余
性直而處清論褒貶之任作詩以見規雖褒飾之舉
非所敢聞而斐粲之辭良可樂也荅之雖不足以相
訓報所謂盍各言志也

貽我妙文繁春之榮匪榮斯尚乃新其聲吉甫作頌有
馥其馨寔由樊仲其德克明授此瓦礫廁彼瑤瓊貺非
其喻聞寵若驚

答樂弘詩

并序

安樂令樂弘太傅鉅平侯羊公辟未就而公薨後應
領司州之命舉秀才博文通濟之士余失和於府當換
爲護軍司馬賦詩見贈答之云爾

鉅平作宰是貴是欽弓旌仍招嘉命胥尋鸞鳳養儀戢
翼幽林未附雅調以和韶音鉅平遐逝厲志彌深肅肅
京司清風裁邁乃延群彥龍集鳳會亦旣斯降萬里有
賴聲發響應好結傾蓋

贈建平太守李叔龍

弘道興化實在良守悠悠建平皇澤未流朝選於衆乃
予之授南荆注望心乎克副

贈何劭王濟

并序

朗陵公何敬祖咸之從內兄國子祭酒王武子咸從
姑之外孫也並以明德見重於世咸親之重之情猶
同生義則師友何公旣登侍中武子俄而亦作二賢
相得甚歡咸亦慶之然自恨闇劣雖願其繾綣而從
之末由歷試無效且有家艱心存目替賦詩申懷以
貽之云爾

日月光太清列宿曜紫微赫赫大晉朝明明闕皇闈吾
兄既鳳翔王子亦龍飛雙鸞遊蘭渚二離揚清暉攜手
升玉階並坐侍丹帷金璫綴惠文煌煌發令姿斯榮非
攸庶繾綣情所希豈不企高蹤麟趾邈難追臨川靡芳
餌何爲守空坻槁葉待風飄逝將與君違違君能無戀
尸素當言歸歸身逢華廬樂道以忘飢進則無云補退
則恤其私但願隆弘美王度日清夷

贈太尉司馬虞顯機

以下
闕文

帝崇元淑妙選其屬命子是佐增袞之縉

失題二首

初學記作程
咸見恒山部

奕奕恒山作鎮冀方伊趙建國在岳之陽

同前

見初學
露部

零露濬江海飛塵崇山岳過謬佐台輔安能任昂鍊

詩紀卷之二十二

詩紀卷之二十三

晉三

裴秀

字季彥河東聞喜人也
有風操八歲能著文大將軍辟為掾遷黃門侍郎晉受禪封鉅鹿公後

累遷左光祿司空卒
謚元公配食宗廟

大蜡詩

日纏星紀大呂司辰玄象改次庶衆更新歲事告成八

蜡報勤告成伊何年豐物阜豐禋孝祀介茲萬祐

一作景福

報勤伊何農功是歸穆穆我后矜茲蒸藜宣力蓄畝沾

體暴肌飲饗清祀四方來綏充牣郊甸鱗集京師交錯

賀遷紛葩相追摻袂成幕連衽成帷有肉如丘有酒如
泉有肴如林有貨如山率土同懽和氣來臻祥風叶順
降祉自天方隅清謚嘉祚日延與民優游享壽萬年

應貞

字吉甫魏侍中璩之子舉高第武帝踐祚遷給事中初置太子中庶子以貞為之後為散騎常

侍

大猷精

晉武帝華林園集詩

九章

洛陽圖經曰華林園在城內東北隅魏明帝起名芳林園齊王芳改為華林于寶晉紀曰泰始四年二月上幸芳林園與群臣宴賦詩觀志散騎常侍應貞詩最美

悠悠太上民之厥初皇極肇建彝倫攸敷五德更運膺

錄

晉書作應錄

受符陶唐既謝天歷在虞

於時上帝乃顧惟眷光我晉祚應期納禪位以龍飛文

以虎變玄澤滂流仁風潛扇區內宅心方隅回面

天垂其象地耀其文鳳鳴朝陽龍翔景雲嘉禾重穎實

莢載芬率土咸序

晉書作盛

人胥悅欣

恢恢皇度穆穆聖容言思其順貌思其恭在視斯明在

聽斯聰登庸以德明試以功

其恭惟何昧且丕顯無理不經無義不踐行捨其華言

去其辯游心至虛同規易簡六府孔修九有斯靖

晉書作來

踐

澤靡不被化罔不加聲教南暨西漸流沙幽人肄善作

險遠國忘遐越裳重譯充我晉書皇家作物

峩峩列辟赫赫虎臣內和五品外威四賓修晉書時貢作順

臧入覲天人備言錫命羽蓋朱輪

貽宴好會不常厥數神心所受晉書不言而喻於是肆作授

五臣射弓矢斯御發彼五的有酒斯飶

文武之道厥猷未墜在昔先王射五臣御茲器示武懼作躬

荒過亦為失叶凡厥群后無懈于位試

王濬字士治弘農湖人也初辟河東從事歷益州刺史平吳有功遷鎮軍大將軍封襄陽縣侯

祖道應令

侯誰在矣東宮詵詵曰保曰傳弘道維新前疑協衡願

問翼輪豈伊張仲專美前津渙乎唐德欽在四鄰齊軌

上葉永垂清塵

賈充字公閭平陽襄陵人達之子仕魏累遷中郎將後為文帝大將軍司馬武帝受禪封魯郡公轉

尚書令無公方之操專以佞媚取容守正之士咸共疾之轉司空大尉卒贈太宰

與妻李夫人聯句一云定情聯句

晉書曰充初娶李豐女淑美有才行豐被誅李氏坐流徙復娶郭配女即廣城君後李以

乃為李築室於永年里而不往來李名姓字
淑文郭名槐
一云名玉璜

室中是阿誰歎息聲正悲賈歎息亦何為但恐大義虧

李大義同膠漆匪石心不移賈人誰不慮終日月有合

離李我心子所達子心我所一作知若能不食言與

君同所宜李

棗據字道彥潁川長社人善文辭弱冠辟大將軍府出為山陽令遷尚書郎賈克代吳請為從事中

郎軍還徙黃門侍郎冀州刺史太子中庶子卒

答阮得猷

友朋顧之貽我良箴玩之無斁終詠斯音燕喜在舟雖
重不沉庶憑嘉謨高迹可尋

遊覽

矯足登雲閣相伴步九華徒倚憑高山仰攀桂樹柯延
首觀神州迴睛盼曲阿芳林挺脩幹一歲再三花何以
濟不朽噓吸漱朝霞重岩吐神溜傾觴挹涌波恢恢大
道間人事足為多

雜詩

吳寇未殄滅亂象侵邊疆天子命上宰作蕃于漢陽開

國建元士玉帛聘賢良予非荆山璞謬登和氏塲羊質
服虎文燕翼假鳳翔既懼非所任怨彼南路長千里既
悠邈路次限關梁僕夫罷遠涉車馬困山岡深谷下無
底高巖暨穹蒼豐草停滋潤霧露沾衣裳玄林結陰氣
不風自寒涼顧瞻情感切惻愴心哀傷士生則懸弧有
事在四方安得恒逍遙端坐守閨房引義割外情內感
實難忘

重不
失題

見藝文類聚鳳部

有鳳適南中終日無歡娛自怨梧桐遠行飛棲桑榆奮

迅振長翼俛仰向天衢簫韶逝無聞朝陽不可湏

杜育

字方叔襄城鄧陵人幼號神童及長羨風姿有才藻時人號曰杜聖累遷國子祭酒洛陽將沒

死于難

贈摯仲治詩

之子于歸言秣其駒矧乃斯人乃邁乃徂雖非顯甫餞
彼百壺雖非張仲將膾河魚人亦有言貴在同音雖曰
翻飛曾未異林顧戀同枝增其慨心望爾不遐無金玉

音

摯虞

字仲治京兆長安人也才學通博舉賢良歷光祿勳太常卿及洛京荒亂以餒卒

楚宮荅杜育詩

越有杜生既文且哲龍躍穎豫有聲彰澈賴茲三益如
琢如切好以義結友以文會豈伊在高分定傾蓋其人
如玉美彼生芻鐘鼓匪樂安用百壺老夫灌灌離群索
居懷戀結好心焉悵如

雍州詩

於皇先王經啓九有有州惟雍居京之右土載奧區山
包一作苞神數嘉生惟繁庶類伊阜悠悠州域有華有戎
外接皮服內含岐豐周餘既沒夷德未終莫不慕義易

俗移風

劉伶

字伯倫沛國人也肆意放蕩悠馬獨暢武帝泰
始初對策盛言無為之化以無用罷竟以壽終

北芒客舍詩

泱泱望舒隱黠黠玄夜陰寒鷄思天曙擁翅吹長音蚊
蚋歸豐草枯葉散蕭林陳醴發悴顏色飲暢真心緼被
終不曉斯嘆信難任何以除斯嘆付之與瑟琴長笛響
中夕聞此消胸襟

束皙

字廣微陽平元城人漢踈廣之後博學多聞性
沉退不慕榮利為王戎張華輩所辟用轉著作
郎博士遷尚書郎趙王倫為
相請為記室皙辭疾罷歸

補亡詩六首

序曰哲與同業疇人肆脩鄉飲之禮然所詠之詩或有義無辭音樂取節闕而不備于是遙想既往存思在昔補著其文以綴舊制

南陔

南陔孝子相戒以養也

循彼南陔言采其蘭眷戀庭闈心不遑安彼居之子罔或游盤馨爾夕膳潔爾晨飡循彼南陔厥草油油彼居之子色思其柔眷戀庭闈心不遑留馨爾夕膳潔爾晨羞有獺有獺在河之浹凌波赴泊噬魴捕鯉嗷嗷林鳥受哺于子養隆敬薄惟禽之似勗增爾虔以介丕祉

白華

白華孝子之潔白也

白華朱萼被於幽薄粲粲門子如磨如錯終晨三省匪惰其恪白華絳趺在陵之阪子溝切舊舊士子濯而不渝竭誠盡敬亶亶忘劬白華玄足在丘之曲堂堂處子無營無欲鮮侔晨葩莫之點玷辱同

華黍

華黍時和歲豐宜黍稷也

黜黜徒感切

重雲習習

善作輯輯

和風黍華陵巔麥秀丘中靡

田不播九穀斯豐奕奕玄霄濛濛甘露黍發稠華禾善作

亦挺其秀靡田不殖九穀斯茂無高不播無下不植芒

芒其稼參參其穡穡我王委充我民食玉燭陽明顯猷

翼翼

由庚

由庚萬物由其道也

蕩蕩夷庚物則由之蠢蠢庶類王亦柔之道之既由化

之既柔木以秋零草以春抽獸在于

善作在

草魚躍順流

四時遞謝八風代扇纖阿案晷星變其躔五緯不愆

善作

逆六氣無易悖悖我王紹文之跡

崇丘

崇丘萬物得極其高大也

瞻彼崇丘其林藹藹音愛植物斯高動類斯大周風既洽

王猷允泰漫漫方輿迴迴洪覆何類不繁何生不茂物

極其性人五臣作民永其壽恢恢大圓茫茫九壤資生仰化

于何不養人無道天物極則長

由儀

由儀萬物之生各得其儀也

肅肅君子由儀率性明明后辟仁以為政魚游清沼鳥

萃平五臣作于林濯鱗鼓翼振振其音賓寫爾誠主竭其心

時之和矣何思何修文化內輯武功外悠

司馬彪

字紹統高陽王睦之長子也少薄行為睦所責不得嗣由是專精學習博覽羣籍泰始中

為秘書郎後拜散騎侍郎惠帝末卒

贈山濤

茗茗倚桐樹寄生於南岳上凌青雲霓下臨千仞谷處

身孤且危於何託余足昔也植朝陽傾枝俟鸞鷲今者

絕世用倥偬見迫束班匠不我顧牙曠不我錄焉得成

琴瑟何由揚妙曲冉冉三光馳逝者一何速中夜不能

寐撫劒起躑躅感彼孔聖歎哀此年命促下和潛幽冥

誰能證竒璞冀願神龍來揚光以見燭

雜詩

百草應節生含氣有深淺秋蓬獨何辜飄飄隨風轉長

飈一飛薄吹我之四遠搔首望故株邈然無由返

何劭

字敬祖陳國陽夏人司空曾之子博學善屬文武帝踐阼以為散騎常侍永康初遷司徒趙王

倫篡位以為太宰永寧元年
薨襲封朗陵郡公謚曰康

洛水祖王公應詔

穆穆聖王體此慈仁友于之至通于明神遊宴綢繆情
戀所親薄云餞之于洛之濱嵩崖巖巖洪流湯湯春風
動衿歸鴈和鳴我后饗客鼓瑟吹笙舉爵惟別聞樂傷
情嘉宴既終白日西歸群司告旋鸞輿整綏我皇重離
頓轡駢駢臨川永歎酸涕霑頤崇恩感物左右同悲

贈張華

張華答
詩見前

四時更代謝懸象迭卷舒暮春忽復來和風與節俱俯

臨清泉涌仰觀嘉木敷周旋我陋圃西瞻廣武廬既貴
不忘儉處有能存無鎮俗在簡約樹塞焉足摹在昔同
班司今者並園墟私願偕黃髮逍遙綜琴書舉爵茂陰
下攜手共躊躇奚用遺形骸忘筌在得魚

遊仙詩

青青陵上松亭亭高山栢光色冬夏茂根柢無彫落吉
士懷真心悟物思遠託揚志玄雲際流目矚巖石羨昔
王子喬友道發伊洛迢遞陵峻岳連翩御飛鶴抗跡遺
萬里豈戀生民樂長懷慕仙類眇然心綿邈

萬里豈雜詩

秋風乘夕起明月照高樹閑房來清氣廣庭發暉素靜

寂愴然歎惆悵忽選詩遊顧仰視垣上草俯察階下露

心虛體自輕飄飄若仙步瞻彼陵上栢想與神人遇道

深難可期精微非所慕勤思終遙夕永言寫情慮

王濟字武子太原晉陽人渾次子也少有逸才善莊老文詞秀茂有名當世武帝時尚常山公主起

家中書郎至侍中終於太僕

平吳後三月三日華林園詩

蠢爾長蛇荐食江汜我皇神武汎舟萬里迅雷電邁鼎

及掩耳思樂華林薄采其蘭皇居偉則芳園巨觀仁以

山悅水為智歡清池流爵秘樂通玄脩習灑鱗大庖妙

饌物以時序情以化宣終温且克有肅初筵嘉賓在茲

千祿永年

王浚字彭祖母趙氏婦良家女也貧賤出入沉家遂生浚沉薨無子浚嗣拜駙馬都尉累轉至中郎

將都督幽州諸軍事因亂結好夷狄擁衆自立懷帝即位增封日以疆盛謀將僭號石勒詐而殺之

從幸洛水餞王公歸國詩

聖主應期運至德敷彝倫神道垂大教玄化被無垠欽

若崇古制建侯屏四鄰皇輿迴羽蓋高會洛水濱臨川

講妙藝縱酒釣潛鱗八音以迭奏蘭羞備時珍古人亦

有言為國不患貧與蒙廟庭施幸得厠大鈞群僚荷恩

澤朱顏感獻春賦詩盡下情至感暢人神長流無舍逝

白日入西津奉辭慕華輦侍衛路無因馳情繫帷幄乃

心戀軌塵

李密字令伯犍為武陽人少仕蜀為郎蜀平微為太子洗馬密以祖母劉氏年高上疏辭召劉終復

以洗馬出為溫令遷漢中太守

賜錢東堂詔令賦詩

晉書曰密有才能常望內轉而朝廷無授乃遷漢中太守自以失分懷怨及賜錢東堂詔

普令賦詩末章曰——武帝念之於是都官從事奏免密官

人亦有言有因有緣官無中人不如歸田明明在上斯

語豈然關

皇甫謐字士安安定朝那人博綜典籍沉靜寡欲有高尚之志以著述為務自號玄晏先生郡國

舉辟皆不行武帝頻下詔敦逼之謐上表辭太康三年卒

女怨詩

婚禮既定婚禮臨成施衿結帨三命丁寤關

